

Wedergeboorte

Johannes 2:23-3:8

Inleiding

- Dink net jy kon jou lewe oorbegyn met als wat jy nou weet.
 - Die meeste van ons het al een of ander tyd gewens jy kon oorbegyn.
- Jy sal dan nie dieselfde foute weer maak nie.
 - Jy sal nie weer jok oor jou toets nie.
 - Jy sal nie weer jou hare kleur die dag van jou matriekafskeid nie.
 - Jy sal nie weer so laat begin swot vir die eksamen nie.
 - Jy sal nie weer daardie 'drinking-game' speel nie.
 - Jy sal nie weer daardie kar koop wat te duur is nie.
- ...Jy sal nie weer daardie verhouding aanknoop nie.
 - Jy sal nie weer so vêr gaan in die verhouding nie.
 - Jy sal nie weer daardie besigheid begin of werk vat nie.
 - Jy sal nie weer daardie beloftes glo nie.
 - Jy sal nie weer jou ore uitleen vir ander se schemes of giftige skinder nie.
- Met al die dinge wat jy vandag weet...
 - sou jy waarskynlik baie dinge van gister anders doen.
 - Oorbegyn... as jy die kans sou kry.
- Nou jy kan nie teruggaan in die verlede om dinge reg te maak nie.
 - Maar jy kan mos van hierdie punt af verder dinge anders doen
 - in die lig van wat jy nou beter van weet.

- Dit is omtrent die definisie van wedergeboorte.
 - Oorbegyn met jou lewe in die lig van wat jy nou wel later uitgevind het van Jesus.
 - En nou gaan dit nie skielik oor een of ander geestelike reis nie...
 - dit gaan oor hoe Jesus jou perspektief en houding
 - oor elkeen van daardie gewone tipe dinge verander.

- Kom ons kyk na
 - wat Jesus sê oor wedergeboorte.
 - Dan na 'n voorbeeld daarvan
 - en oor wat dit as vir jou sê t.o.v. jou lewe.

[Lees Joh. 3:1-8]

Weer gebore

- Nikodemus kom in die nag na Jesus.
 - Kyk mooi, Hy kom vra niks.
 - Hy kom erken iets.
 - Dat Hy iets van Jesus begin raaksien.
 - Hy sien die wonderwerke, soos al die ander mense.
 - Maar hy sien meer as dit:
 - Hy begin sien wie Jesus regtig is.
 - Die leermeester van God af.
 - Die een wat mense die waarheid kom leer oor 'n lewe voor God.

- Jesus maak dan 'n opmerking daaroor:
 - Mens kan hierdie dinge net sien, Nikodemus...
 - as jy nuut gebore word.

- M.a.w... jy weet Nikodemus...
 - jy is dan besig om weer gebore te word,
 - anders sou jy nie hierdie dinge oor my begin raaksien nie.
- Dit klink snaaks vir Nikodemus.
 - 'n Ou man soos hy... van voor af gebore?
 - Dit kan mos nie werk nie!
 - Maar Hy mis dat Jesus 'n vergelyking maak.
- Dat, soos 'n babatjie vir die eerste keer uitkom
 - en die wêreld sien
 - en gaan moet leer om daarin reg te kom.
- Netso is dit om na die wêreld te begin kyk deur wie Jesus is.
 - Jy sien baie dinge vir die eerste keer vir wat regtig aan die gang is...
 - en jy moet van voor af leer om reg te kom in daardie nuwe wêreld.
 - Dis soos om van voor af te begin kruip en loop en praat...
 - als van voor af in die lig van wie Jesus is.
- Wedergeboorte is soos wanneer die 'reset' knoppie van jou lewe gedruk word
 - en jy als van jou lewe begin
 - heroorweeg
 - en te hersien
 - en te herbou
 - in die lig van die nuwe feit wat jy begin raaksien:
 - dat Jesus dié Koning is.
 - Jy herdink hoe jy met geld werk en hoekom jy dit soek.

- Jy herdink hoe jy oor jou werk en jou baas en kollegas voel.
 - Jy herdink jou studies.
 - Jy herdink jou klerekas
 - Jy herdink jou seksualiteit.
 - Jy herdink jou ouerskap en kindwees.
 - Jy herdink jou vriendskappe.
 - Jy herdink hoe jy oor Vanderbijl voel.
- Alles kry 'n make-over.
 - Dis oorbegín!
- En Jesus verduidelik vêrder in v5 dat
 - jy nie so onder die Koningskap van God kan kom...
 - as die Heilige Gees van God jou oë nie oopmaak
 - om nuut te kyk,
 - en Jesus te sien sodat jy oor kan begin nie.
- Nou daaroor kan jy baie wonder hoe dit presies werk.
 - Die resep of formule soek.
 - Maar Jesus sê dis soos die wind.
 - Jy het nie beheer daaroor nie
 - – die Heilige Gees werk waar en wanneer Hy wil.
 - Soos jy die wind se effek kan sien en hoor...
 - sal jy kan aflei die Heilige Gees is aan die werk in jou of iemand naby jou...
 - maar hoe dit gekom het... en waarheen Hy op pad is met iemand weet jy nie.
- 'n Vraag om jouself af te vra is of dit werklik al met jou gebeur het?
 - Want ons lees in hfstk 2:23-25 dat daar 'n ander tipe geloof in Jesus is...
 - Wat eintlik 'n nul op 'n kontrak is

- Daar is mense wat hou van die Idee van Jesus en wat hy doen...
 - Maar Jesus het nog nie begin verander hoe hulle na hulle wêreld kyk nie.
- Nou, wat wel volgende nodig is om te verstaan
 - is dat hierdie geboorte proses
 - en die nuut leer kruip en loop en praat...
 - dikwels 'n tydjie neem.
- Kom ons kyk na 'n voorbeeld van Petrus se wedergeboorte

Tree vir tree

- As ons sien hoe Petrus se wedergeboorte gewerk het
 - dan besef ons hoe ingewikkeld dit soms is en hoe God geduldig met ons werk.
 - Hy kom verander jou nie skielik in 'n robot nie,
 - maar herprogrammeer jou van voor af.
- Ons ontmoet Petrus as 'n hardwerkende visserman in Matteus 4:18.
 - Jesus roep hom toe met die woorde: "Volg My".
 - Stap agter my aan en kom kyk nader.
- Dan sien ons hom later waar hy op pad agter Jesus aan,
 - skielik met 'n impulsiewe geloof,
 - uit 'n bootjie spring en op water loop.
 - Maar sy geloof het nie wortels nie en hy begin gou sink.
 - Jesus het nog 'n lang pad om met hulle te stap (Mat 14:28).

- Maar Petrus bly volg en begin al hoe meer leer en verstaan
 - wie Jesus is en wat Hy doen.
 - Dit gebeur toe op 'n dag dat Jesus hulle vra wie hulle dink Hy is,
 - en Petrus antwoord toe met groot insig deur die Heilige Gees:
 - “U is die Christus, die Seun van die lewende God.” (Mat 16)

- Petrus het nou al 'n entjie gevorder in sy wedergeboorte.
 - Maar het Petrus verstaan wat die Christus as die Seun van die lewende God moes kom doen?

- Want toe Jesus in Matt 26 begin uitspel
 - dat Hy gevang gaan word en uiteindelik gekruisig sal moet word,
 - wou Petrus niks hiervan weet nie.
 - Sy presiese woorde was:

- “Al sal hulle U ook almal in die steek laat, ék sal U nooit in die steek laat nie.” En “Al moet ek saam met U sterwe, ek sal U beslis nie verloën nie!”

- En dit was nie maar leë beloftes nie!
 - Toe hulle Jesus die aand in Getsemane vang was dit Petrus wat sy swaard uitgepluk het en 'n slaaf se oor afgekap het (Joh 18:10).

- Maar toe Jesus met hom raas en toelaat dat hulle Hom vang
 - het Petrus se wêreld in mekaar gesak.
 - Hy het nog nie verstaan dat lewe deur dood kom nie

- Verward, gly hy terug (backslide)
 - Terug na sy ou maniere en ou lewe
 - Hy laat val 'n paar matroos-woorde
 - Ons sien hoe hy doen wat hy belowe het om nooit te doen nie:
 - Hy verloën Jesus 3 keer en hoor die haan kraai (Matt 26:75).

- Maar God los nie as Hy begin het nie...

- Na Jesus se opstanding kuier Hy eendag op die strand saam met die dissipels
 - en Hy maak 'n punt daarvan om Petrus drie keer die geleentheid te gee om te sê hoe lief hy vir Jesus is.
 - Soveel keer as wat Hy Jesus verloën het.
 - Jesus help Petrus om sy eindelose genade vir Petrus - self te smaak!

- Uiteindelik gryp Petrus sy nuwe lewe en hardloop daarmee

- Om baie gebeure op te som sien ons hoe Petrus
 - verder as eerste leier in die Nuwe Testamentiese kerk
 - getuig met die boodskap dat
 - daar lewe is in die dood en opstanding van Jesus,
 - omdat Hy dit self geproe het op sy eie pad.
 - hy self besef hy was dood en het deur Jesus weer begin lewe

- Toe Jesus daardie 1ste dag vir Petrus by die visnette weggeroep het,
 - het 'n lang pynlike geboorteproses voorgelê.
 - seker omtrent 3 jaar.

- Petrus se oë het stadig maar seker oopgegaan:
 - besig om sy sonde meer en meer te sien
 - en Jesus se genade meer en meer te sien
- en met groter oorgawe sy lewe te hersien en te herbou
- 'n Stadige geboorte oor 3 jaar totdat Hy uiteindelik met oorgawe lewe
- Nikodemus self het tree vir tree gevorder in sy geboorte proses.
 - Jesus sê daardie aand al dat Nikodemus duidelik weergebore is
 - ander sou Jesus nie so indruk op hom maak nie
 - Maar later sien ons in Joh. 7:51 dat hy huiwerend vir die ander Joodse leiers wat teen Jesus saamsweer sê:
 - *“Volgens ons wet kan ons mos nie sommer iemand veroordeel sonder om eers sy kant van die saak te hoor en vas te stel wat hy doen nie.”*
 - Maar hulle jak hom af en hy bly dan verder stil.
 - Maar uiteindelik na Jesus se dood [Joh. 19:39]
 - spandeer hy in oorgawe openlik tyd en geld om Jesus te help begrawe.
 - al sou dit sy werk as lid van die Joodse raad en vriendskappe kos.

Toepassing

- Wat leer jy oor j^ou oorbegⁱn,
 - jou wedergeboorte,
 - of dit wat dalk in die mense om jou aan die gang is.
 - In jou kind, man, vrou of vriendin?
- Wedergeboorte is vir elke mens onmisbaar

- om onder Jesus se koningskap te kan kom
 - dit gaan nie net daarvoor om in te stem met feite nie
- Daar is nie 'n resep nie
 - maar die tekens sal daar wees
 - die nuwe wonder en vrae oor Jesus en sy koninkryk
- Wedergeboorte begin as jy met 'n nuwe stel oë
 - na dieselfde ou wêreld kyk
 - omdat jy deur Jesus daarna begin kyk.
 - maar dit lyk skielik anders en jy begin om dit uit te figure
- Dis soms 'n lang proses van uitfigure
 - Wees geduldig met jouself as jy soms voel jy wil opgee
 - of dink jy sien dit skielik nie meer nie
 - Wees geduldig met ander as hulle nog net nie sien wat jy sien nie
 - Want God is geduldig met julle altwee
- Wedergeboorte maak klaar
 - Dit is nie 'n aanhoudende geploeter nie
 - Dit bring jou by die punt waar jy genoeg vertrou in Jesus ontwikkel het
 - Dat jy met oorgawe kan begin
 - volwasse word,
 - vaste kos inneem
 - en groei
 - en werk
 - sonder om te huiwer of wonder of water te trap.

Slot

- Die meeste van ons het al gewens ons kan oorbegyn
 - Ek weet nie waar jy trek nie
 - of hoekom jy dit wens nie
 - Ek het ook nie beheer oor waar die Gees van die Here werk nie

- Ons leer net wel hier dat
 - Jesus, die Seun van God, die middelpunt hiervan is.
 - Dat jy jouself kan sien
 - sonder sy genoeg-genade aan die kruis vir jou...
 - en met sy genoeg-genade aan die kruis vir jou...
 - ...en dat dit jou aan die gang sit.

- En as jy dit gesien het...
 - kan jou lewe nooit weer maar net dieselfde wees nie.

- Jy sal als van jou lewe heroorweeg, hersien en herbou
 - in die lig van die nuwe feit dat Jesus díé genade Koning is.
 - hoe jy met geld werk en hoekom jy dit soek.
 - hoe jy oor jou werk en jou baas en kollegas voel.
 - jou studies.
 - jou seksualiteit.
 - jou ouerskap en kindwees.
 - jou vriendskappe.
 - hoe jy oor Vadnerbijaal voel.

- Nuut gebore om oor te begin vir Hom.

Amen

